



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab Anno Christi 1143. Usque Ad Annum 1176

Fleury, Claude

August. Vind. [u.a.], 1762

VD18 90118014

§. 59. Joannes Saresberiensis Episcopus Carnotensis.

[urn:nbn:de:hbz:466:1-66377](https://nbn-resolving.org/urn:nbn:de:hbz:466:1-66377)

Sæcul. XII. Archiepiscopi Eboracensis, cujus erat
 A.C. 1176. Suffraganeus, præsidio munitus. Ex
 to. 10. Conc. Scotia Vivianus in Hiberniam naviga-
 p. 1481. 1739 vit, & Dublini Concilium omnium to-
 G. Neubrig. tius Insulæ Episcoporum celebravit. At
 3. 6. 9. non tantam, quantam speraverat, auri-
 vim inde referens, in Scotiam reve-
 ctus est.

§. LIX.

*Joannes Saresberiensis Episcopus
 Carnotensis.*

*Radulf. de
 dic. p. 592.*

Sup. n. 9.

*Petr. Cell. 7.
 ep. 8.*

In Festo S. Magdalenaë vigesima secunda
 Julii anno millesimo centesimo septua-
 gesimo sexto Decanus, Cantor, & Can-
 cellarius Ecclesiæ Carnotensis, Cantua-
 riam pervenerunt, totius Capituli no-
 mine Joannem Saresberiensem, quem E-
 piscopum elegerant, sibi expetentes.
 Nam Guilielmus *manibus candidis*, Regis
 Ludovici junioris Affinis, qui annis octo,
 dispensante Papa, cum Archiepiscopatu
 Senonensi, ad quem anno millesimo cen-
 tesimo sexagesimo octavo evectus fue-
 rat, etiam Carnotensem possederat, Joan-
 nem Saresberiensem ad Cathedram Car-
 notensem eligi curaverat, tum ob singu-
 larem viri pietatem, tum quod amicitia
 fidem S. Thomæ Cantuariensi in extre-
 mis

mis servasset, arcanorum conscius, exilii, Sæcul. XII. A.C. 1176.
 omniumque ærumnarum particeps. Cum igitur Delegati Carnotenses Cantuariæ Literas Capituli sui, Regis Franciæ & Archiepiscopi Senonensis publice prælegissent, eis Capitulum Cantuariense, absente Archiepiscopo, Joannem Saresburiensem, a quocunque vinculo, quo in Anglia fuisset adstrictus, liberum traderunt. Is a Legatis Carnotensibus in Franciam deductus, Senonibus a Mauritio Episcopo Parisiensi, die Dominica, mensis Augusti octava, consecratur, & Dominica sequente, in Festo Assumptionis Domine Nostræ, Episcopali solio solemni ritu Carnoti imponitur. Cui Ecclesiæ annis quatuor præfuit.

Eadem die, qua Joannes ordinabatur, Guilielmus Archiepiscopus Senonensis possessionem Sedis Remensis adiit, quo auctoritate Papæ translatus est. Quippe Henricus Archiepiscopus, Regis Ludovici junioris frater, decima tertia Novembris, anno superiore millesimo centesimo septuagesimo quinto, obierat, postquam Sedem hanc Archiepiscopalem annos quatuordecim tenuisset. Guilielmus vero ejus Successor annis viginti sex Remensem Ecclesiam rexit.

Rad. disert.

p. 592.

Petr. Cell. 7.

ep. 6.

Chron. Rem.

to. 1. Bibl.

Lab. p. 361.

Marlot. 3.

c. 4.